



九日閒居

世短意常多斯人樂久生日月依辰至舉俗愛其名
露淒暄風息氣肅天象明往燕無遺影來雁有餘聲
酒能祛百慮菊為制頽齡如何蓬廬士空視時運傾
塵爵耻虛壘寒華徒自榮歛襟獨閒誼緬焉起深情
棲遲固多娛淹留豈無成

歸田園二首

少無適俗韻性本愛丘山誤落塵網中一去三十年
羈鳥戀舊林池魚思故淵開荒南野際守拙歸園田
方宅十餘畝艸屋八九間榆柳蔭後園桃李羅堂前

暖暖遠人村依依墟里煙狗吠深巷中雞鳴桑樹巔
戶庭無塵雜虛室有餘閒久在樊籠裏復得返自然

二

野外罕人事窮巷寡輪鞅白日掩荆扉虛室絕塵想
時復墟曲中披艸共來往相見無雜言但道桑麻長
桑麻日已長我土一作日已廣常恐霜霰至零落同

艸莽

飲酒三首

道喪向千載人人惜其情有酒不肯飲但顧一作顧願一作世
間名所以貴我身豈不在一生一生復能幾條如流

電驚鼎鼎百年內持此欲何成

二

清晨聞叩門倒裳往自開問子為誰歟田父有好懷
壺漿遠見候疑我與時乖縵縷茅簷下未足為高棲
一世皆尚同願君汨其泥深感父老言稟氣寡所諧
紆轡誠可學違已詎非迷且共歡此飲吾駕不可回

三

羲農去我久舉世少復真汲汲魯中叟彌縫使其淳
鳳鳥雖不至禮樂暫得新洙泗輟微響漂流逮狂秦
詩書復何罪一朝成灰塵區區諸老翁為事誠殷勤

如何絕世下六籍無一親終日馳車走不見所問津
若復不快飲空負頭上巾但恨多謬誤君當恕醉人

擬古八首

榮榮牕下蘭密密堂前柳初與君別時不謂行當久
出門萬里客中道逢嘉友未言心先一作相醉不在接
盃酒蘭枯柳亦衰遂令此言負多謝諸少年相知不
忠厚意氣傾人命離隔復何有

二

辭家夙嚴駕當往志一作至無終問君今何行非商復
非戎聞有田子春節義爲士雄斯人久已死鄉里習

其風生有高世名既沒傳無窮不學狂馳子直在百
年中

三

仲春邁時雨始雷發東隅衆蟄各潛駭艸木縱橫舒
翩翩新來燕雙雙入我廬先巢故尚在相將還舊居
自從分別來門庭日荒蕪我心固匪石君情定何如

四

迢迢百尺樓分明望四荒暮作歸雲宅朝爲飛鳥堂
山河滿目中平原獨茫茫古時功名士慷慨爭此場
一旦百歲後相與還北邙松柏爲人伐高墳互低昂

顏基無遺王遊魂在何方榮華誠足貴亦復可憐傷

五

東方有一士被服常不完三旬九遇食十年著一冠
辛苦無此比常有好看顏我欲觀其人晨去越河關
青松夾路生白雲宿簷端知我故來意取琴爲我彈
上絃驚別鶴下絃操孤鸞願畱就君住從今至歲寒

六

蒼蒼谷中樹冬夏常如茲年年見霜雪誰謂不知時
厭聞世上語結友到臨淄稷下多譚士指彼決吾疑
裝束既有日已與家人辭行行停出門還坐更自思

不怨道里長但畏人我欺萬一不合意永爲世笑之
伊懷難具道爲君作此詩

七

少時一作年壯且厲撫劍獨行遊誰言行遊近張掖至
幽州饑食首陽薇渴飲易水流不見相知人惟見古
時丘路邊兩高墳伯牙與莊周此士難再得吾行欲
何求

八

種桑長江邊三年望當採枝條始欲茂忽值山河改
柯葉自摧折根株浮滄海春蠶旣無食寒衣欲誰待

本不值高原今日復何悔

雜詩三首

人生無根蒂飄如陌上塵分散逐風轉此已非常身
落地為一作流落成兄弟何必骨肉親得歡當作樂斗酒
聚比鄰盛年不重來一日難再晨及時當勉勵歲月
不待人

二

白日淪西河素月出東嶺遙遙萬里輝蕩蕩空中景
風來入房戶夜中枕席冷氣變悟時易不眠知夕永
欲言無子和揮杯勸孤影日月擲人去有志不獲騁

念此懷悲悽終曉不能靜

三

昔聞長者言掩耳每不喜奈何五十年忽已親此事
求我盛年歡一毫無復意去去轉欲遠此生豈再值
傾家時作樂竟此歲月駛有子不畱金何用身後置

詠懷二首

支遁

端坐鄰孤影眇罔玄思劬偃蹇收神轡領畧綜名書
涉老哈一作怡雙玄披莊玩太初詠發清風集觸思皆
恬愉俯欣質文蔚仰悲二匠徂蕭蕭柱下迥寂寂蒙
邑虛廓矣千載事消液歸空無無矣復何傷萬殊歸

一塗道會貴冥想罔象掇玄珠悵快濁水際幾忘映
清渠反鑿歸澄漠容與含道符心與理理密形與物
物踈蕭索人事去獨與神明居

二

閒邪託靜室寂寥虛且真逸想流巖阿朦朧望幽人
慨矣玄風濟一作滋皎皎離染純時無問道睡行歌將
何因靈谿無驚浪四岳無埃塵余將遊其嶠解駕輟
飛輪芳泉代甘醴山果兼時珍修林暢輕跡石宇庇
微身崇虛習本照損無歸昔神曖曖煩情故零零冲
氣新近非域中客遠非世外臣懔怕一作澹泊爲無德孤

哉自有隣

廬山東林雜詩

惠遠

崇巖吐清氣幽岫棲神跡希聲奏群籟響出山溜滴
有客獨冥遊徑然忘所適揮手撫雲門靈關安足闢
畱心叩玄扃感至理弗隔孰是騰九霄不奮冲天翮
妙同趣自均一悟超三益

報羅什偈

本端竟何從起滅有無際一微涉動境成此頽山勢
惑相更相乘觸理自生滯因緣雖無主開途非一世
時無悟宗匠誰將握玄契末問尚悠悠相與期暮歲

宋

登作樂山

宋孝武帝

修路軫孤轡竦石頓飛轅遂登千尋首表裏望丘原
屯煙擾風穴積水溺雲根漢潦吐新波楚山帶舊苑
壤艸凌故國拱木秀頽垣目極情無畱客思空已繁

濟曲阿後湖

宵登毗陵路旦過雲陽郭平湖曠津濟菰渚迭明蕪
和風翼歸采夕氛晦山嶠驚瀾翻魚藻頽霞照桑榆

七夕

白日傾晚照弦月升初光炫炫葉露滿肅肅庭風揚

瞻言媚天漢幽期濟河梁服箱從奔輶紈綺闕成章
解帶遽回軫誰云秋夜長愛聚雙情欸念離兩心傷

豔歌行

劉義恭

江南遊湘妃窈窕漢濱女淑問流古今蘭音媚鄭楚
瑤顏映長川善服照通濟求思望裏漑歎息對衡渚
中情未相感搔首增企予悲鴻失良匹俯仰戀儔侶
徘徊忘寢食羽翼不能舉傾首佇春燕爲我津辭語

遠期篇

何承天

遠期千里客肅駕候良辰近命城廓友具爾惟懿親
高門啓雙闈長筵列嘉賓中唐儻六佾三廂羅樂人

選詩補
蕭管激悲音羽毛揚華文金石響高宇絃歌動梁塵
修標多巧捷九劍亦入神遷善自雅調成化由清均
主人垂隆慶群士樂亡身願我聖明君邇期保萬春
自潯陽至都集道里名爲詩 謝莊
山經亟旋覽水牒勅敷尋稽榭成淹畱煙臺信遐臨
翔州凝寒氣秋浦結清陰眇眇高湖曠遙遙南陵深
青溪如委黛黃沙似舒金觀道雷池側訪德茅堂陰
魯顯闕微迹秦良滅芳音訊速博望崖採賦梁山岑
崇館非陳宇茂苑豈舊林

燕歌行

謝靈運

孟冬初寒節氣成悲風入閨霜依庭秋蟬噪柳燕辭
樂府作樓楹念君行役怨邊城君何崎嶇久徂征豈無膏
沐感鸛鳴對君不樂淚霑纓闕牕開幌弄秦箏調絃
促柱多哀聲逢夜明月鑒帷屏誰知河漢淺且清展
轉思服悲明星

郡東山望溟海詩

開春獻初歲白日出悠悠蕩志將愉樂瞰海庶忘憂
策馬步蘭皋緜控息椒丘采蕙遵大薄奉若履長洲
白花暘陽林紫躡一作翹擘春流非徒不弭忘覽物情
彌適憲蘇始無慰寂寞終可求

石室山詩

清旦索幽異放舟越垌郊
苒苒蘭渚急藐藐苔嶺高
石室冠林陬飛泉發山椒
虛汎徑千載崢嶸非一朝
鄉村絕聞見樵蘇限風霄
微戎無遠覽總筭羨升喬
靈域久韜隱如與心賞交
合歡不容言摘芳弄寒條

夜宿石門詩

朝寒苑中蘭畏彼霜下歇
暝還雲際宿弄此石上月
鳥鳴識夜棲木落知風發
異音同至聽殊響俱清越
妙物莫爲賞芳醕誰與伐
美人竟不來陽阿徒晞髮

初往新安桐廬口

締綌雖淒其授衣尚未至
感節良已深懷古亦云一作
徒思不有千里棹孰申百代意
遠協尚子心遙得許生計既及
冷風善又卽秋水駛江山共開
一作曠雲日相照媚景夕群物清對玩
咸可喜

塘上行

謝惠連

芳憲秀陵阿菲質不足營
幸有忘憂用移根託君庭
垂穎臨清池擢彩仰華甍
霑雲雨潤歲蕤吐芳馨
願君眷傾葉畱景惠餘明

代白紵舞歌辭四首

並序

鮑照

侍郎臣鮑照啓被教作白紵舞歌辭謹竭庸陋裁

爲四曲附啓上呈識方洪悴思塗猥局言既無雅
聲未能文不足以宣贊聖旨抽拔妙實謹遣簡餘
慙隨悚盈謹啓辭曰

吳刀楚製爲佩褱織羅霧縠垂羽衣含商咀徵歌露
晞珠履一作履颯沓紕袖飛淒風夏起素雲回車怠馬
煩客忘歸蘭膏明燭承夜輝

二

桂宮栢寢擬天居朱爵文牕鞞綺疏象牀瑤席鎮犀
渠雕屏匝匝組帷一作帳舒秦箏趙瑟挾笙竽垂璫散
珮盈玉除停觴不御欲誰須

三

三星參差霧縠濕絃悲管清月將入寒光蕭條候蟲
急荆王流歎楚妃泣紅顏難長時易戢凝華結藻一作
綵久延立非君之故豈安集

四

池中赤鯉庖所捐琴高乘去騰一作飛上天命逢福世
丁溢恩一作徽命逢福丁溢恩簪金藉綺升曲筵恩厚德深一作
思君委如山潔誠洗志期暮年烏白馬角寧足言
贈故人馬子喬

雙劍將離別先在匣中鳴煙雨交將夕從此遂分形

雌泥吳江裏

玉臺作水

雄飛入楚城吳江深無底楚關

作

關有崇扃一爲天地別豈直限幽冥神物終不隔千祀儻還并

吳興黃浦亭庾中郎別

風起洲渚寒雲上日無輝連山眇煙霧長波迴難依
旅雁方南過浮客未西歸已經江海別復與親眷違
奔景易有窮離袖安可揮懽觴爲悲酌歌服成泣衣
溫念終不渝藻志遠存追役人多牽滯顧路慙奮飛
昧心附遠翰炯言藏佩韋

贈傅都曹別

輕鴻戲江潭孤雁集洲汜邂逅兩相親緣念其無已
風雨好東西一隔頓萬里追憶棲宿時聲容滿心耳
落日川渚寒愁雲繞天起短翮不能翔徘徊煙霧裏

送盛侍郎餞候亭

霜霜襲冠帶驅駕越城闔北臨出塞道南望入鄉津
高墉宿寒霧平野起秋塵君爲坐堂子我乃負羈人
欣悲豈等志甘苦誠異身結滄園中艸憔悴悲此春

數劉公幹體

荷生淥泉中碧葉齊如規迴風蕩流霧珠水逐條垂
彪炳此金塘藻耀君王池不愁世賞絕但畏盛明移

藝文作
張華

擢歌行

吳邁遠

十三爲漢使孤劍出臯蘭西南窮天險東北畢地關
岷山高以峻燕水清且寒一去千里孤邊馬何時還
遙望煙嶂外障氣鬱雲端始知身死處平生從此殘

長別離

生離不可聞況復長相思如何與君別當我盛年時
蕙華每搖蕩妾心空自持榮乏艸木歡悴極霜露悲
富貴貌難變貧賤顏易衰持此斷君腸君亦且一作宜
自疑淮陰有逸將折羽謝翻飛楚有扛鼎士出門不

得歸正爲隆準公仗劍入紫微君子定何如白日下
爭輝

擬相逢狹路間

荀彖

朝發邯鄲邑暮宿井陘間井陘一何狹車馬不得旋
邂逅相逢值崎嶇交一言一言不容多伏軾問君家
君家誠易知易知復易博南面平原居北趣相如閣
飛樓臨名都通門枕華郭入門無所見但見雙棲鶴
棲鶴數十雙鴛鴦群相追大兄珥金璫中兄振纓綉
伏臘一來歸隣里生光輝小翁無所爲鬪雞東陌達
大婦織紈綺中婦縫羅衣小婦無所作挾瑟弄音徽

夫人且却坐梁塵將欲飛

怨歌行

湯惠休

明月照高樓含君千里光
巷中情思滿斷絕孤妾腸
悲風盪帷帳瑤翠坐自傷
妾心依天末思與浮雲長
嘯歌視秋艸幽葉豈再揚
暮蘭不待歲離華能幾芳
願作張女引流悲繞君堂
君堂嚴且秘絕調徒飛揚

齊

侍遊方山應詔

王融

巡躅望登年悵飲臨秋縣
日羽鏡霜濤雲旗落風甸
四瀛良在目八寓婉如見
小臣竊自嘉預奉栢梁讌

棲玄寺聽講畢遊邱園七韻應司徒教

道勝業茲遠心閒地能隙
桂棹鬱初裁蘭墀坦將闢
虛檐對長嶼高軒臨廣液
芳艸列成行嘉樹紛如積
流風轉還逕清煙汎喬石
日汨山照紅松暎水華碧
暢哉人外賞遲遲眷西夕

和南海王殿下詠秋胡妻

椒珮容有結振芳岐路隅
黃金徒以賦白珪終不渝
明心良自皎安用久踟蹰
遡車及粉巷流日下西虞

和王友德元古意

霜氣下盟津秋風度函谷
念君淒以寒當軒卷羅縠

織手廢裁縫曲鬢罷膏沐千里不相聞寸心鬱紛蘊
況復飛螢夜木葉亂紛紛

寒晚敬和何徵君點

疎酌候冬序閒琴改秋律如何將暮天復值西歸日
搖落迎軒牖飛鳴亂繩華煙灌共深陰風篁兩簫瑟
虛堂無笑語懷君首如疾早輕北山賦晚愛東臯逸
上德可潤身下澤有徐轡

別王丞僧孺

首夏實清和餘春滿郊甸花樹雜爲錦月池皎如練
如何於一作當此時別離言與面畱雜已鬱紆行舟亦

遙衍非君不見思所悲思不見

遊仙詩二首

獻歲和風起日出東南隅鳳於亂煙道龍駕溢雲區
結賞自員嶠移讌乃方壺金卮浮水翠玉笋挹泉珠
徒用霜露改終然天地俱

二

湘沅有蘭芷汨吾欲南征遺珮出長浦舉袂望增城
朱霞拂綺樹白雲照金楹五芝多秀色八桂常冬榮
弭節且夷與參差聞鳳笙

鈞天曲

謝朓

高宴顥天臺置酒迎風觀笙鏞禮百神鍾石動雲漢
瑤堂琴瑟驚綺席舞衣散威鳳來參差玄鶴起凌亂
已慶明庭樂詎慙南風彈

從戎曲

選旅辭輶軒弭節赴河源日起霜戈照風迴連騎翻
紅塵朝夜合黃沙萬里昏寥淚清笳轉蕭條邊馬煩
自勉輟耕願征役去何言

送遠曲

北梁辭歡宴南浦送佳人方衢控龍馬平路騁朱輪
瓊筵妙舞絕桂席羽觴陳白雲丘陵遠山川時未因

一爲清吹激潺湲傷別巾

侍宴華光殿曲水奉勅爲皇太子作

九章

旁求邃古迷聽鴻名大寶曰位得一爲貞朱禘叶祉
綠字摛英升配同貫進讓殊聲一 大橫將屬會昌已
命國步中祖震居膺慶璽劍先傳龜玉增映宗堯有
緒復禹無競二 禮行郊社人神受職寶效山川鱗羽
變色玄塞北靡丹徼南極浮毳駕風非泳非陟三 能
官民秀利建天跼枵鵠列野營絳分區論思帝則獻
納宸樞麟趾方定鷄翼誰濡四 西京藹藹東都濟濟
秋祓濯流春禊浮醴初吉云獻上除方啓昔駕陽穎

今帳雲陞五嘉樂舊矣芳宴在斯載留神矚有睟天
儀龍精已映威仰未移葉依黃鳥花落春池六高殿
弘敞禁林稠密青磴崛起丹樓澗出翠葆隨風金戈
動日惆悵清管徘徊輕佻七灞漣入筵河淇流昨海
媯一作若若一作谷來往觴肴公沂歡飲有終清光欲暮輕
貂回首華組徐步八登賢博望獻賦清漳漢貳稱敏
魏兩垂芳監撫有則七鬯無方瞻言守器永愧元良
九

荅張齊興

荆山從百里漢廣流無極北馳星斗正南望朝雲色

川隰同幽快冠冕異今昔子蕭兩岐功我滯三冬職
誰知京洛念彷彿岷山側向夕登城濠潛地隱復直
地迥聞遙蟬天長望歸翼清文忽景麗思泉紛寶飾
忽言修路阻勉子康衢力曾厓寂且寥歸軫逝言陟

奉和隨王殿下二首

高秋夜方靜神居肅且深閒階塗廣路涼宇澄月陰
嬋娟影池竹踈蕪散風林淵情協爽節詠言興德音
闔道空已積千直愧蓬心

二

星回夜未艾洞房凝遠情雲陰滿池榭中月懸高城

喬木含風霧行雁飛且鳴平臺盛文雅西園富群英
芳慶良永矣君王嗣德聲眷此伊洛詠載懷汾水情
顧已非麗則恭惠奉仁明觀涵詠已失憮然愧簪纓
和江丞北戍瑯琊城
春城麗白日阿閣跨層樓蒼江忽渺渺驅馬復悠悠
京洛多塵霧淮濟未安流豈不思撫劍惜哉無輕舟
夫君良自勉歲暮勿淹留

臨溪送別

悵望南浦時徙倚北梁步葉上涼風初日隱輕霞暮
荒城迥易陰秋谿廣難渡沫泣豈徒然君子行多露

白馬篇

孔稚珪

白馬金具裝橫行遼水傍問是誰家子宿衛羽林郎
文犀六屬鎧寶劍七星光山虛弓響徹地迴角聲長
宛河推勇氣隴蜀擅威疆輪臺受降虜高闕翦名王
射熊入飛觀校獵下長楊英名欺衛霍智策茂平良
島夷時失禮卉服犯邊疆徵兵離薊北輕騎出渙陽
集軍隨日暈挑戰逐星芒陣移龍勢動營開虎翼張
衝冠入死地攘臂越金湯塵飛戰鼓急風交征旆揚
轉鬪平華地追奔掃鬼方本持身許國况復武功彰
會令千載後流譽滿旂常

梁

臨高臺

武帝

高臺半行雲
望望高不極
艸樹無參差
山河同一色
髣髴洛陽道
道遠難別識
玉階故情人
情來共相憶
東飛伯勞歌
東飛伯勞西飛鷺
黃姑織女時相見
誰家兒女對門
居開顏發豔
照里閭南牕
北牖挂明光
羅帷綺帳脂
粉香女兒年
幾十五六
窈窕無雙顏
如玉三春已暮
花從風空留
可憐誰與同

藉田

寅賓始出日
律中方星鳥
千畝土膏紫
萬頃陂色縹
嚴駕佇霞昕
浥露逗光曉
起行天猶暗
伐鼓地未悄
蒼龍發蟠蜿
青祈引窈窕
仁化洽駭蟲
德令禁胎夭
耕藉乘月映
遺滯指秋杪
年豐廉讓多
歲薄禮節少
公卿秉耒耜
庶疇荷鋤耨
一人慙百王
三推先億兆

擣衣

駕言易水北
送別河之陽
沈思慘行鑣
結夢在空牀
既寤丹綠謬
始知素紵傷
中州木葉下
邊城應早霜
陰蟲日慘烈
庭艸復芸黃
金風徂清夜
明月懸洞房
嫋嫋同宮女
助我理衣裳
參差夕杵引
哀怨秋砧揚

輕羅飛玉腕弱袖低紅粧朱顏日已興盼盼色增光
擣以一匪石文成雙鴛鴦制握斷金刀薰用如蘭芳
佳期久不歸持此寄寒鄉妾身誰與容思君苦入腸

相逢狹路間

昭明太子

京華有曲巷巷曲

一作曲曲

不通輿道逢一俠客緣路間

君居君居在城北可尋復易知朱門間皓壁刻楠映

晨離階植若

一作若

華艸光景逐廳移輕幃委四屋

一作

逐四

蘭膏然百枝長子飾青紫中子任以貲小子始

搃角方作啼弄兒三子俱入門赫奕盛羽儀華駟服

衡轡白玉鏤鞿羈容止同規矩賓從盡恭卑雅鄭時

間作孤竹乍參差雲翔雜水宿弄吭滿清池歡樂無

終極流目豈知疲門下非毛遂坐上盡英奇大婦成

貝錦中婦飾粉施

一作治粉施

小婦獨無事理曲步簷垂

夫人暫徙倚行使流風吹

棗下何慕慕

簡文帝

垂花臨碧澗結翠依丹巘非直入遊宮兼期植靈苑

落日芳春暮遊人歌吹晚弱刺引羅衣朱實凌還憶

且歡洛浦詞無羨安期遠

隴西行

邊秋胡馬肥雲中驚寇入勇氣特

一作時

無侶輕丘救

邊急沙平不見虜嶂嶮一作還相及出塞豈成歌經
川未遑汲烏孫塗更阻康居路猶澁月暈抱龍城星
流照馬邑長安路遠書不還寧知征人獨佇立

和武帝宴

校尉開疎勒將軍定月支南通新息柱北屈武陽碑
豫遊戲馬館教戰昆明池銀塘瀉清渭銅鈎引直漪
常從良家子命中幽并兒金鞍飾紫佩玉燕帖青驪
車書今已共願奏云亭儀

侍遊新亭應令

神襟愍行邁岐路愴徘徊遙瞻十里陌傍望九城臺
鳳管流虛谷龍騎藉春萋曉光浮野映朝煙承日迴
沙文浪中積春陰江上來柳葉帶風轉桃花含雨開
聖情蘊珠綺札命表英才顧憐砥硎質何以儷瓊環

登城

日影半東簷靖念空杼柚小堂倦縹書華池厭修竹
寂寂既寡棕登城望原陸遙山半吐雲巖廳時響谷
靡靡見虛煙森森視寒木落霞乍續斷晚浪時迴復
遠矚既濡翰徒自勞心目短歌雖可裁緣情非霧縠

秋閨夜思

非關長信別詎是良人征九重忽不見萬恨滿心生

夕門掩魚鑰宵床悲畫屏
起月臨牕度吟蟲繞砌鳴
初霜實細葉秋風驅一作吹
亂螢故粧猶累日新衣製
未成欲知妾不寐城外搗砧聲

和王僧辯從軍

元帝

寶劍飾龍淵長虹畫彩旃
山虛和鏡管水淨寫樓船
連雞隨火度燧象帶烽燃
洞庭晚風急瀟湘夜月圓
荀令多文藻臨戎賦雅篇

蘭澤多芳艸

春蘭本無豔春澤最歲蕤
燕姬得夢罷尚書奏事歸
臨池影入浪從風香拂衣
當門已芬馥入室更芳菲

蘭生不澤逕十步豈難稀

賦得涉江採芙蓉

江風當夏

一作夜

清桂檝

一作棹

逐流縈初疑京兆劍復

似漢冠名荷香帶風遠蓮影向根生
葉卷珠難溜花舒紅易傾日暮鳧舟滿
歸來度錦城

却東西門行

沈約

驅馬城西阿遙眺想京闕望極煙原
盡地遠山河沒搖裝非短晨還歌豈明
發修服悵邊羈瞻途眇鄉謁馳蓋轉徂
龍回星引奔月樂去哀鏡滿悲來壯心
歇歲華委徂貌年霜移暮髮辰物久侵
晏一作尋征思坐

淪越清氛掩行夢憂原盪瀛渤一念起關山千里顧
丘窟

白馬篇

白馬紫金鞍停鑣過上蘭寄言狹斜子詎知隴道難
赤坂途三折龍堆路九盤氷生肌裏冷風起骨中寒
功名志所急日暮不遑餐長驅入右地輕舉出樓蘭
直去已垂涕寧可望長安匪期定遠封無羨輕車官
唯見恩義重豈覺衣裳單本持軀命答幸遇身名完

遠期

張率

遠期終不歸節物坐將遷一作變白露愴單衣一作秋

風息團扇誰能久別離他鄉且異縣浮雲蔽重山相
望何時見寄言遠期者空閨淚如霰

相逢行

相逢夕陰街獨趨尚冠里高門既如一甲第復相似
憑軾日欲昏何處訪公子公子之所在所在良易知
青樓出上路漸臺臨曲池堂上撫流徽雷蹲朝夕施
橘柚分華實朱火燎金枝兄弟兩三人冠珮紛陸離
朝從禁中一作門出車騎竝驅馳金鞍馬腦勒聚觀路
傍見入門一顧望鳧鵠有雌雄雌雄各數千相鳴戲
羽儀竝在東西立群次何離離大婦刺方領中婦抱

嬰兒小婦尚嬌稚端坐吹參差丈夫無遽起神鳳且
來儀

長門怨

柳惲

玉壺夜悄悄應門重且深秋風動桂樹流月搖輕陰
綺簷清露溽一作滴網戶思蟲吟歎息下蘭閣含愁奏
雅琴何由鳴曉佩復得抱宵衾無復金屋念豈照長
門心

秋夕仰贈從兄真南

何遜

堦蕙漸翻葉池蓮稍罷花高樹北風響空庭秋月華
寸心懷是夜寂寂漏方賒撫弦乏歡娛臨觴獨歎嗟

悽悽戶涼入徘徊欄影斜無爲淹戚里見就還田家

晚景遊汎懷友

蕭鈞

龍開依御溝鳳轄轉芳洲雲峰初辨夏麥氣早迎秋
山翠餘煙積川平晚照收浪隨文鵝轉渡逐彩鷺浮
風花轉未落岩泉咽不流一辭金谷苑空想一作竹思
林遊

侍宴餞臨川王北伐

王筠

金版韜英玉牒蘊精帝德乃武王威有征軒習弧矢
夏陳干戚周驚戎車漢馳羽檄我皇俊聖千年踵武
德洞十一作千門威加八柱金正圯德水行失道胡馬

南牧戎徒西保荐食伊瀝整居豐鎬金關一作揚塵
銅臺茂艸命彼膳夫爰詔協律樂賦出車絃操吉日
玉饌駢羅瓊漿汎溢聖德温温賓儀秩秩

還渡浙江

劉孝綽

季秋弦望後輕寒朝夕殊商人泣紈扇客子夢羅襦
憂來自難遣况復阻川隅日暮愁陰合繞樹噪寒鳥
濛漠江煙上蒼茫沙嶼蕪解纜辭東越接軸驚西徂
懸颿似馳驥飛棹若驚鳧言歸遊俠窟方從冠蓋衢
歸沐呈任中丞助

步出金華省還望承明廬壯哉宛洛地佳麗實皇居
虹蜺拖飛閣蘭芷覆清渠圓淵倒荷芰方鏡寫簪裾
白雲夏峰盡青槐秋葉疎自我從人爵蟾兔屢盈虛
殺青徒已汗司舉未云書文昌愧通籍臨邛幸第如
夫君多敬愛蟠木濫吹嘘時時釋簿領騶駕入吾廬
自唾誠疇舛無以儷璠璣但願長閒暇酌醴薦焚魚

古意

燕趙多佳麗白日照紅粧蕩子十年別羅衣雙帶長
春樓怨難守玉階空自傷復一作此歸飛鷺銜泥繞
曲房差池入綺幕上下傍雕梁故居猶可念故人安
可忘相思昏望絕宿昔夢容光魂交忽在御轉側定

他鄉徒然顧枕席誰與同衣裳空使蘭膏夜炯炯對
繁霜

塘上行

劉孝威

蒲生伊何陳曲中多苦辛黃金坐銷鑠白玉遂緇磷
裂衣工毀嫡掩袖切譏新嫌成跡易已愛去理難申
秦雲猶變色魯日尚迴輪妾歌已腸斷君心終未親
侍宴賦得龍沙宵明月

鵲飛空繞樹月輪殊未圓嫦娥望不出桂枝稍隱殘
落照移樓影浮光動塹瀾櫪馬悲笳吹城烏啼塞寒
傳聞機杼妾愁余衣服單當秋絡已脆銜啼織復難

歛眉雖不樂舞劍強爲歡請謝函關吏行當封一九

始居山營室

劉峻

自昔厭誼蹕執志好棲息嘯歌棄城市歸來事畊織
鑿戶闕嶢嶢開軒望嶰嶰激水簷前溜修竹堂陰植
香風鳴紫鸞高梧巢綠翼泉脉洞杳杳流一作波下
不極髣髴玉山隈響像瑤池側夜誦神僊記旦吸雲
霞色將馭六龍輿行從三鳥食誰與金門士撫心論
胸臆

度關山

戴嵩

昔聽隴頭吟平居已流涕今上關山望長安樹如蒼

千里非鄉邑四海皆兄弟軍中大體自相褒其間得
意各分曹博陵輕俠皆無位幽州重氣本多豪馬銜
首藉葉劍瑩鷲鷄膏初征心未習復值雁飛入山頭
看月近艸上知風急笛鳴曲難成笳繁響還澁武帝
初承平東伐復西征薊門海作塹榆塞水爲城催令
四校出倚望三邊平箭服朝來動刀環臨陣鳴將軍
一百戰都護五千兵且決雄雌眼前利誰道功名身
後事丈夫意氣本自然來時辭第已聞天但令此身
與命在不持烽火照甘泉

陳

詠懷二首

張君祖

運形不標異澄懷恬無欲座可棲王侯門可迴金穀
風來詠逾清鱗萃淵不濁斯乃玄中子所以矯逸足
何必翫幽閒青衿表離俗百齡苟未遐昨辰亦非促
曦騰望舒映曩今迭相燭一世皆逆旅安悼雷往速
區區雖非黨兼忘混礫玉恪神罔叢穢要在夷心曲

二

遙邈播荆衡仗策憇南郢遭動透浪迹遇靖恬夷性
拊卷從老語揮綸與莊詠遐眺獨緬想蕭神颺塵正
時無喜惠偶絕韻將誰聽習一作子茂芳標有欣微

音令穎敷陵霜倩葩熙三春盛拂翮期霄翹豈與桑
榆競我混不材姿遺情忘雕膜雖非暉陽椅聊以酬
泗磬

贈沙門竺法穎

邈邈慶成標峨峨浮雲嶺峻蓋十二嶽獨秀閭浮境
丹流環方基瑤堂臨峭頂澗滋甘泉液崖蔚芳芝穎
翹翹美化淪眇眇陵巖正肅拱望妙覺呼吸希齡永
苟能夷冲心所憇靡不淨萬物可逍遙何必棲形影
勉尋大乘軌練神超勇猛

荅張君祖

庾僧淵

遙望華陽嶺紫霄籠三辰瓊巖朗璧室玉潤灑靈津
丹谷挺樛樹李穎奮暉薪融飈衝天籟逸響互相因
鸞鳳翔迴儀虬龍灑飛鱗中有冲漠士耽道玩妙均
高尚疑玄寂萬物息自賓棲峙遊方外超世絕風塵
翹想晞眇蹤矯步尋若人咏嘯舍之去榮麗何足珍
濯志八解淵遠朗豁冥神研幾通微妙遺覺忽忘身
居士成有儻顧盼非疇親借問守常徒何以知反真

北魏

從駕幸金墉城

温子昇

茲城實佳麗飛甍自相竝膠葛擁行風岩堯闕流景

御溝屬清洛馳道通丹屏湛澹水成文參差樹交影
長門久已閉離宮一何靜細艸緣玉階高枝蔭桐井
微微夕渚暗肅肅暮風冷神行揚翠旗天臨肅清警
伊臣從下列逢恩信多幸康衢雖已泰弱力將安騁

隋

冬至乾陽殿受朝

隋煬帝

北陸玄冬盛南至晷漏長端拱朝萬國守文繼百王
至德慙日用治道愧時康新邑建嵩岳雙闕臨洛陽
圭景正八表道路均四方碧空霜華淨朱庭皎日光
纓珮既濟濟鐘鼓何鏗鏗文戟翊高殿采眊分修廊

元首乏明哲股肱貴惟良舟楫行有寄庶此王化昌

贈薛內史

楊素

耿耿不能寐京洛久離群橫琴還獨坐停杯遂待君
待君春艸歇獨坐秋風發朝朝唯落花夜夜空明月
明月徒流光落花空自芳別離望南浦相思在漢陽
漢陽隔隴岑南浦達桂林山川雖未遠無由得寄音

贈別司馬幼之南聘

盧思道

故交忽千里輪車蒞遠盟幽人重離別握手送征行
晚霞浮極浦落景照長亭拂霧揚龍節乘風遡鳥旌
楚山百重映吳江萬仞清夏雲樓閣起秋濤帷蓋生

陸侯持寶劍終子繫長纓前修亦何遜君其勗令名

昔昔鹽

薛道衡

垂柳覆金堤
薜蘿葉復齊
水溢芙蓉沼
花飛桃李溪
採桑秦氏女
織錦竇家妻
關山別蕩子
風月守空閨
恒歛千金笑
長垂雙玉啼
盤龍隨鏡隱
彩鳳逐帷低
飛魂同夜鵲
倦寢憶晨雞
暗牖懸蛛網
空梁落鷺泥
前年過代北
今歲往遼西
一去無消息
那能惜馬蹄

選詩補

畢



